

Obavještenje zaštite ličnih podataka potencijalnih kandidata za zapošljavanje

Zaštita Vaše privatnosti nam je važna. Kod korištenja i obrade ličnih podataka držimo se važećih propisa o zaštiti podataka. Pravo na korištenje ličnih podataka u zakonski dopuštenom obimu, uz ograničenja na osnovu niže navedenih prava nosioca podataka, imaju niže navedena društva kontrolori podataka.

1. Informacije o identitetu i kontakt podaci kontrolora podataka

Ova Informacija o zaštiti ličnih podataka odnosi se na prikupljanje i obradu Vaših ličnih podataka od strane sljedećih društava kao poslodavca:

- **PORSCHE LEASING d.o.o.**, sa sjedištem na adresi: Bulevar Meše Selimovića br. 16, 71000 Sarajevo, Bosna i Hercegovina
 - **PORSCHE PARTNER d.o.o.**, sa sjedištem na adresi: Bulevar Meše Selimovića br. 16, 71000 Sarajevo, Bosna i Hercegovina
- Društvo u kojem ste se prijavili na konkurs za posao odgovorno je za obradu vaših podataka.

Kontakt službenika za zaštitu ličnih podataka: zastitalicnihpodataka@porscheleasing.ba, Tel: ++387(0) 33 257 147

2. Sigurnost podataka

U svrhu zaštite Vaših podataka poduzeli smo odgovarajuće tehničke i organizacijske mjere koje Vaše podatke, između ostaloga, štite od gubitka, manipulacije ili neovlaštenog pristupa. Poduzete su mjere koje se redovno provjeravaju i kontinuirano prilagođavaju aktualnom stanju tehnike.

3. Prikupljanje i obrada ličnih podataka

Lične podatke obrađujemo samo u skladu sa važećim propisima o zaštiti podataka. Prilikom stavljanja na raspolaganje svojih ličnih podataka, primajte na znanje da će se podaci koje ste naveli prilikom prijave na raspisani konkurs za posao obraditi u niže opisanu svrhu (vidi točku 5.).

4. Partneri

U sklopu selekcijskog postupka ne provodimo sve obrade ličnih podataka samostalno, već za određene procese koristimo usluge ostalih društava unutar Porsche grupacije (Porsche BH d.o.o.) te drugih profesionalnih partnera (npr. pružaoce usluga oglašavanja i sl.) Svi partneri su pažljivo odabrani te odgovarajućim tehničkim i organizacijskim mjerama osiguravaju da se obrada Vaših podataka provodi u skladu s odredbama o zaštiti podataka i uz poštovanje Vaših prava. Partneri smiju podatke koristiti isključivo u svrhe provođenja selekcijskog postupka društva koje je raspisalo predmetni konkurs za posao te im nije dopušteno lične podatke koristiti u vlastite ili marketinške svrhe ili ih dati trećim osobama.

5. Obrade podataka u selekcijskom postupku

Prijava na konkurs

-Svrha: Na osnovu raspisanog konkursa za slobodno radno mjesto putem naših internetskih stranica, online putem ili putem alternativnih kanala (npr. portala specijaliziranih za oglašavanje slobodnih radnih mjesta) Vaši se lični podaci obrađuju u svrhu dokazivanja radnih i stručnih kvalifikacija te procjene idealnog kandidata kao i donošenja odluke o zapošljavanju novog zaposlenika, procjena radne sposobnosti i drugih vještina na osnovu dostavljenih informacija iz konkursne dokumentacije.

-Kategorije podataka: identifikacioni i kontakt podaci, podaci o radnom iskustvu te podaci koji se odnose na profesionalne okolnosti.

Pravni osnov: poduzimanje radnji na zahtjev ispitanika (ispunjenje predugovornih radnji)

Molimo Vas da u dokumentaciji koju nam šaljete ili ćete učitati na portal specijaliziran za oglašavanje slobodnih radnih mjesta ne navodite posebne kategorije ličnih podataka kao što su na primer, podaci o rasno ili etničko porijeklo, politička mišljenja, vjerska ili filozofska uvjerenja ili pripadnost sindikatu, kao i obrada genetskih podataka, biometrijskih podataka u svrhu jedinstvene identifikacije lica, podataka o zdravlju ili podataka o spolnom životu ili seksualnoj orijentaciji lica, itd. Iste podatke ne tražimo i nećemo ih prikupljati, osim ukoliko to od nas ne zahtijeva primjenjivi propis, o čemu ćemo Vas prethodno obavijestiti.

6. Vremensko razdoblje čuvanja ličnih podataka

Ako prihvatite našu ponudu zaposlenja, svi relevantni lični podaci prikupljeni tokom selekcijskog postupka čuvaće se 10 godina od dana prestanka radnog odnosa, osim ako duži rok ne nalažu posebni propisi (npr. poreski, trajno čuvanje određene radno pravne dokumentacije).

Ako Vas ne zaposlimo ili ne prihvatite našu ponudu, Vaši lični podaci biće trajno brisani u roku od 6-12 mjeseci od dostavljanja prijave.

7. Vaša prava u obradi ličnih podataka

Vezano uz obradu Vaših ličnih podataka, imate pravo ostvariti sljedeća prava:

- **Pravo na pristup ličnim podacima**

Imate pravo zatražiti te dobiti informacije o ličnim podacima koji se na Vas odnose, a koje društvo obrađuje, pod uslovom da je Vaš identitet nesporno utvrđen. Nosilac podataka ima pravo da dobije potvrdu od kontrolora podataka o tome obrađuju li se njegovi lični podaci i, ako se obrađuju, pristup ličnim podacima i sljedećim informacijama: svrsi obrade, kategoriji ličnog podatka koji se obrađuje, primaocu ili kategorijama primalaca kojima je lični podatak otkriven ili će biti otkriven, a posebno primaocu u drugoj državi ili međunarodnoj organizaciji, predviđenom roku u kojem se lični podaci čuvaju, ili ako to nije moguće, kriterijima korištenim za određivanje tog roka, pravo da se od kontrolora zatraži ispravka ili brisanje ličnog podatka ili ograničavanje obrade ličnog podatka koji se odnosi na nosioca podataka ili pravo na prigovor na takvu obradu, pravo na podnošenje prigovora Agenciji za zaštitu ličnih podataka u BiH ili tužbe nadležnom sudu, ako se lični podatak ne prikuplja od nosioca podataka, svakoj dostupnoj informaciji o njegovom izvoru, postojanju automatiziranog donošenja odluka, uključujući i profiliranje te, najmanje u tim slučajevima, razumne informacije o kriteriju koji se koristi, kao i značaju i predviđenim posljedicama takve obrade za nosioca podataka. Ako se lični podatak prenosi u drugu državu ili međunarodnu organizaciju, nosilac podataka ima pravo da bude informisan o odgovarajućim mjerama zaštite. Kontrolor podataka osigurava kopiju ličnog podatka koji se obrađuje. Za sve dodatne kopije koje zatraži nosilac podataka, kontrolor podataka može naplatiti opravdanu naknadu na osnovu administrativnih troškova.

- **Pravo na ispravak ličnih podataka**

Ukoliko su pohranjeni lični podaci netačni ili nepotpuni, imate pravo zatražiti ispravak ili nadopunu ličnih podataka.

- **Pravo na brisanje ličnih podataka**

Ukoliko ne postoji pravna osnova na daljnju obradu i čuvanje ličnih podataka, imate pravo zahtijevati da Vaši lični podaci budu obrisani.

- **Pravo na ograničenje obrade**

Imate pravo zatražiti privremeno blokiranje obrade ličnih podataka, ako osporavate njihovu tačnost, ako je obrada nezakonita, a Vi se protivi brisanju ličnog podatka i umjesto toga tražite ograničenje njegove obrade, ako kontroloru podataka više nije potreban lični podatak za potrebe obrade, ali ga Vi zahtijevate radi postavljanja, ostvarivanja ili odbrane pravnih zahtjeva, ako ste uložili prigovor i očekujete potvrdu da Vaši razlozi prevladavaju nad legitimnim razlozima kontrolora podataka.

Ako je obrada ograničena taj lični podatak smije se obrađivati samo zu saglasnost nosioca podataka, izuzev čuvanja, ili za postavljanje, ostvarivanje ili odbranu pravnih zahtjeva ili zaštitu prava drugog fizičkog ili pravnog lica ili zbog važnog javnog interesa.

- **Obaveza obavještanja u vezi sa ispravkom ili brisanjem podataka, kao i ograničenjem obrade**

Kontrolor podataka je dužan da obavijesti sve primaoce kojima su lični podaci otkriveni o svakoj ispravci ili brisanju ličnog podatka ili ograničenju njihove obrade u skladu sa zakonom, osim ako je to nemoguće ili zahtjeva neproporcionalan utrošak vremena i sredstava.

- **Pravo na prenosivost podataka**

Ukoliko je tehnički izvodivo, imate pravo zatražiti prenos onih podataka koje ste pružili kontroloru podataka na osnovu saglasnosti ili na osnovu ugovora, pod uslovom da se obrada tih podataka obavlja automatiziranim putem

- **Pravo na prigovor**

Ako smatrate da je to opravdano u odnosu na posebnu situaciju u kojoj se nalazite imate pravo da u svakom trenutku podnesete kontroloru podataka prigovor na obradu svojih ličnih podataka. Kontrolor podataka je dužan da prekine sa obradom ličnih

podataka, osim ako je predočio da postoje zakonski razlozi za obradu koji pretežu nad Vašim interesima, pravima ili slobodama ili su u vezi sa podnošenjem, ostvarivanjem ili odbranom pravnog zahtjeva. Imate pravo da u svakom trenutku podnesete prigovor na obradu svojih ličnih podataka koji se obrađuju za potrebe direktnog marketinga, uključujući i profilisanje, u mjeri u kojoj je ono povezano sa direktnim marketingom. Ako lice na koje se podaci odnose podnese prigovor na obradu za potrebe direktnog marketinga, lični podaci ne mogu se dalje obrađivati u takve svrhe.

- **Pravo na prigovor na automatizirano pojedinačno donošenje odluka**

Lice na koje se podaci odnose ima pravo da se na njega ne primjenjuje odluka donesena isključivo na osnovu automatizovane obrade, uključujući i profilisanje, ako se tom odlukom proizvode pravne posljedice po to lice ili ta odluka značajno utiče na njegov položaj. Ovo pravo se ne primjenjuje ako je odluka neophodna za zaključenje ili izvršenje ugovora između lica na koje se podaci odnose i Porsche leasing d.o.o. ili Porsche Partner d.o.o.

- **Pravo povlačenja date saglasnosti**

Imate pravo, u bilo koje vrijeme, povući danu saglasnost. U tom slučaju, lični podaci u tu svrhu moraju biti brisani, ukoliko ne postoji druga pravna osnova za obradu istih podataka.

Za ostvarivanje navedenih prava možete podnijeti pismenu prijavu [Zahtjev za ostvarivanje prava](#)

Sva gore navedena prava možete ostvariti direktno pisanim putem na e- mail adresu:

zastitalicnihpodataka@porscheleasing.ba, lično ili poštom na adresu sjedišta društva: Bulevar Meše Selimovića br. 16, 71000 Sarajevo.

U svakom trenutku možete podnijeti i prigovor nadzornom tijelu – Agencija za zaštitu ličnih podataka, na adresu: Dubrovačka br. 6 71000 Sarajevo Sarajevo ili putem e-maila: azlpinfo@azlp.ba

8. Promjene u Obavještenju zaštite ličnih podataka potencijalnih kandidata za zapošljavanje

Ovo Obavještenje o zaštiti ličnih podataka posljednji put je ažurirano dana 15.01.2026.